

افغانستان اۆزبېک تیلی تالقان شېوه سیده کېلیشیکلرینینگ قۇللیشی

*Bashir Ahmad QARDASH**

خلاصه

شېوه شناسلیکده گی بحثلر معلوم تیلینینگ شېوه لیک اۆزه لیلیکلرینی تیکشیریش دیر. ادبی تیل بیلن شېوه نی فرقی بارا بامیش؛ بو تفاوتلر تیل نینگ گرامری شکلریده اۆز افاده سیننی تاپه دی. جمله دن اۆزبېک تیلی تالقان شېوه سیده، کېلیشیک کته گوری سینینگ شېوه لیک شکلی و ایشله-تیلیشی بو مقاله ده اساسی اۆریننی اېگه لیدی.

اۆزبېک ادبی تیلیده آلتیته کېلیشیک (باش، قره تقیچ، توشوم، اۆرین-پیت، جۇنه لیش و چیقیش) کېلیشیکلری ایشله تیلسه-ده، تیکشیریله دیگن شېوه ده اوشبو مقوله نینگ ایتیلگن تورلریدن باشقه ایکیته (واسطه کېلیشیگی و چېگره لیش کېلیشیکلرینی) بیلگیلری بیلن قۇللیش شکلری بیلگیلنگن.

اۆزبېک تیلی تالقان شېوه سینینگ کېلیشیکلری بیر قسمی ادبی تیل قاعده سی سینگری عمومیلیککه اېگه. اۆزبېک ادبی تیلده گی کېلیشیک اوشبو شېوه ده مخصوص کۆرستگچلر بیلن ایشله تیلنگن. بونده باش کېلیشیک ادبی تیل سینگری ایشله تیلیب، قره تقیچ کېلیشیگی ادبی تیل قانونیتلریگه قرشی حالده «+تی، +دی و +ی» شکلری بیلن؛ توشوم کېلیشیگی ایریم اۆرینلرده «+نی» ادبی تیلدیک، بعضی حالتلرده «+دی، +تی»، جۇنه لیش کېلیشیگی «+غه، +که، +قه»، اۆرین-پیت کېلیشیگی «+که، +ته» شکلری بیلن، چیقیش کېلیشیگی اۆز بیلگیسیدن باشقه «+تن، +دین» و صفتداش «+گن» شکلری بیلن، واسطه کېلیشیگی «+بیلن» قۇشیمچه سی اۆرینیده «+بیرلن، +بیله، +بیرگه و +بیلم» شکلری قۇللیلنگن. و چېگره لیش کېلیشیگی اېسه ادبی تیل قاعده لریگه اونچه لیک ماس کېلمی بعضی شېوه لیک خصوصیتینی سقلش بیلن عمومیلیککه اېگه.

کلیدی سۆزلر: تالقان شېوه سی، اۆزبېک تیلی، کېلیشیکلر.

AFGANİSTAN ÖZBEK DİLİ TALİKAN ŞİVESİNDE AD DURUM EKLERİNİN KULLANIMI

Özet

Diyalektoloji çalışmalarında belli bir dilin diyalekt özellikleri incelenir. Edebî dil ile lehçenin arasında büyük bir fark olduğu bilinmekte. Bu farklılıklar daha çok bir dilin gramerinde belirgindir. Bu çalışmada Afganistan Özbek Dili Talikan şivesinde ad durum eklerinin kullanımı ele alınmıştır. Özbek edebî dilinde yalın, ilgi, yükleme, bulunma, yönelme ve çıkma durumları kullanılmaktayken, Talikan şivesinde vasita ve sınırlama durumları da kullanılmaktadır. Bu şivede ad durum eklerinin bazıları edebî dil kurallarına uymakta olup bazıları da özel ekleri almaktadır. Yalın durum, edebî dildeki şeklinde kullanılırken, ilgi durumu eki edebî dil kurallarına aykırı olarak «+ti, +di ve +I» biçimlerinde, yükleme durumu eki bazı durumlarda «+ti, +di» yönelme durumu eki «+gä, +kä, +qä», bulunma durumu eki «+gä, +tä», çıkma durumu eki de «+tan, +din» ve sıfat-fiil «+gän» biçimlerinde, vasita durumu ise «bilän»

* Öğr. Gör., Takhar Üniversitesi Dil ve Edebiyat Fakültesi, Özbek Dili ve Edebiyatı Bölümü / AFGANİSTAN, e-mail: bashirqardash@gmail.com

edatının «birlän, bilä, birgä, biläm» şekillerinde görülmektedir. Sınırlama durumu edebî dil kurallarına uymaksızın şive özelliklerini taşımaktadır.

Anahtar Kelimeler: Talikan Şivesi, Özbek Dili, Ad Durum Ekleri.

THE USAGE OF NOMINAL STATES IN TALOQAN UZBEK PEOPLE DIALECT IN AFGHANISTAN

Abstract

The discussable points in dialectology is determination of the characteristics of a language dialect. Therefore, this article concentrates on nominal states which is one of the morphological features and dialect usage in Uzbek language, particularly Taloqan people dialect. Although there are six nominal states in Uzbek language such as subjective, possessive, objective, time bound and location bound, indicator and external, in Taloqan dialect, there are two extra nominal states (mediator and marginal) with signs and way of usage. The nominal states in Taloqan dialect in the section of usage in some issues is similar to literary language. Uzbek language nominal states in Taloqan dialect has particular usage. Based on this research, subjective state has usage based on literary rules. However, possessive state is opposite of Uzbek literary language with signs of «+ti, di, and +I». On the other hand, in some issues objective state has usage based on Uzbek literary language with the sign of «+ni» and sometimes with the signs of «+di, +ti». But indicator state has usage with signs of «+gä, +kä, +...ä». However, time bound and location bound states besides its grammatical signs have usage with signs of «+gä, +tä». But the external state has usage considering its grammatical with signs «+tan, +din» and objective adjective sign is «+gän». The state of mediator is «bilän». The sign with «birlän, bilä, birgä, biläm» has usage. And the marginal state does not have similarity with literary language rules. But it has some closeness with the features of dialect structures in Taloqan dialect.

Key Words: Taliqan Dialect, Uzbek Language, Nominal States.

کیریش

تالقان اؤتمیشده اېسكى تخارستان نینگ مهم شهرلردن بیرى حسابلنراپکن، هجرى 4 عصردن بویان شو منطقه آتى صفتیده اتهلمیش؛ حاضر اېسه افغانستان شمال - شرقیده گى جایلشگن تخار ولایتی نینگ مرکزى بؤلیب کېلماقده (طالقانى، 1389: 40).

تیل دېگن مرکب اجتماعى پدیده، اؤز خصوصیتلریگه کؤره کؤپ قیزلى حادثه دیر. شو باعث تیل شناسلیک علمیده اساسى مبحثلردن بیرى، تیل نینگ ایچكى قوریلشی دیر. معلومکه، کیشیلر جامعده تیل نینگ ایریم بیرلیکلری (فونیم، سؤزلر و گرامری واسطه لر) بیلن اؤز ارا علاقه گه کیریشیب فکر المشه دیلر.

گرامری واسطه لردن بؤلمیش؛ کیشیلر اېسه، جمله ترکیبیده سؤزلرنى سؤزلرگه باغلاش کؤمکچیلی وظیفه سینی اؤتیب، اولرنینگ گرامری معناسینی تۆلديریب، نرسه - حادثه لرنى کیمگه، نیمه گه قره شلیگینی بیلديریب، حرکتنى نرسه - حادثه لرگه اؤتکنلیگینی کورسته دی.

آتلر اېگه لیک و کیشیک واسطه لر بیلن تورلنده دی. آتلرنى تورلاوچى گرامری قوشیمچه لرگه کیشیک دېله دی. اولر آت و آتلشگن سؤزلرنینگ باشقه سؤزلر بیلن گرامری علاقه سینی کورستیشگه خدمت قیله دی (ایشانچ، 1393: 158).

کیشیک کته گوريسى بارلیقده گى مبحث، صفت و حادثه لر آرقه سیده گى علاقه، مناسبتلرنى کورسته دی. بو کته گورى افاده لاوچى گرامرى واسطه

آتلىرى و آتلشگن سۇزلىرىنىڭ نحوي وظيفه سىنى كۇرستەدى. شونىڭ اوچون كۇچىلىك تىلشناس عالملىر بو مقولەنى مورفولوژىك-سىنتكتىك كتەگورى دېب يورىتەدى.

كېلىشىك معنالىرى گراممىرى شكل آرقەلى افادەلنەدى (شاه عبدالرحمانوف، 1981:162). بو حقدە گپ كېتگندە، او شكلىرى اۇزگرتىرىش گىنە اېمس، او بروندىن برون معنا حادثە سىدىر. آتلىرىنىڭ نطق ايچىدە تورلى توس آلىش معناسىگە قرەب، شونىڭ طلبى بىلن بۇلە-دى. دېمك، باشقە سۇزلىر بىلن مناسبتىنى كۇرستىب، حركت بىلن بۇلگن علاقە سىنى، باغلىنىشىنى افادەلەيدى. هر بىر كېلىشىك خصوصىتلىرى اۇزىگە قدر فرق قىلەدى. ھېچ بىر كېلىشىك نامى اونىڭ بوتون خصوصىتلىرىنى اۇزىدە عكس اېتتىرەلمەيدى.

كېلىشىكلر آتلىرىنىڭ گىدەگى رولىنى كۇرستەدى. بو وظيفە كېلىشىك شكلىرى آرقەلى، اساسا آتلىرگە قۇشىلىپ كېلەدى؛ بىراق آت وظيفە سىدە كېلگن سۇزلىر ھم كېلىشىكلر بىلن تورلنەدى.

كېلىشىك مقولەسى آتلىرىنىڭ ياكە آتلشگن سۇزلىرىنىڭ باشقە گپ بۇلكلىرى بىلن بۇلگن گراممىرى باغلىنىشىنى كۇرسەتەدى، اولىرىنىڭ گىدەگى وظيفە سىنى افادەلەش اوچون خدمت اېتەدى. بو خصوصىت اۇزبېك ادبى تىلى اوچون ھم، اۇزبېك خلق تىلى و شېۋەلىرى اوچون ھم عمومىدىر.

اۇزبېك ادبى تىلى و اونىڭ تالقان شېۋە سىدە قويدەگى كېلىشىكلر موجود: باش كېلىشىك، قرەتقىچ كېلىشىگى، توشوم كېلىشىگى، جۇنەلىش كېلىشىگى، اۋرىن-پىت كېلىشىگى، چىقىش كېلىشىگى، واسطە كېلىشىگى و چېگرەلەش كېلىشىگى تورلى بېلگىلىرى فونىتىك تفاوتلىرى بىلن اۋزىنىڭ گراممىرى وظيفە سىنى شېۋەلىك شكلىردە بجرماقدە.

دېمك، كېلىشىك ادبى تىلدەگى اۋزىنىڭ گراممىرى كۇرستگىچلىرى اساسىدە وظيفە و معنالىرىنى افادەلەش بىلن تالقان سۇزلىشىو شېۋە سىدە ھم خۇدى اۋشە خصوصىتلىرىنى فونىتىك تفاوتلىرى گاهى ھم باشقەچە راق شكلىرى بىلن قۇللىنىلىپ افادەلنەدى.

بو مقاله كىتابخانەلىك اصول بىلن معلوم كىتابلىردن كېرەكلى معلومتىنى كۇچىرىپ، ساحەلىك اصولى آرقەلى كىشىلر آره سىدە گپىرىشلىرىگە سىنچىكلىب اېشىتىش بىلن تالقان شېۋە سىدە تېكىشىرىلگن.

باش كېلىشىك

باشقە كېلىشىكلر اوچون اساس بۇلىپ خدمت قىلەدىگن، اېگەنى شكلىنىتەدىگن اونىڭ علىحدە كۇرستگىچى يۇق؛ بىراق برچە آتلىر باش كېلىشىكدە كېلىشى مەكن (ايشانچ، 1993:159). بو كېلىشىك ھېچ قندەى قۇشىمچەگە اېگە بۇلمەيدى. بو خصوصىت اۇزبېك ادبى تىلى اوچون ھم، اۇزبېك خلق شېۋەلىرى، قالەبېرسە، تالقان شېۋە سىگە قدر عمومىدىر. باش كېلىشىكدە كېلگن سۇز اۋزىنىڭ شكل جەھتدىن سۇزلىرىنىڭ اۋزەك يا نېگىزىگە تېنىڭ بۇلەدى. دېمك، باش كېلىشىكدەگى سۇز گىدە اېگە بۇلىپ كېلەدى. شونگە كۇرە، قويدەگى اۋرنكلىرىنى تالقان شېۋە سىدىن كۇزدن كېچىرەيدىك:

انىسە مامە قاۋون باشىگە كۇچتتى (شېر محمد، 1998:42)

خالبازار باى قاۋون آلىپ كېلەيپتى (نور محمد، 1998:40)

يوقارىدەگى جملەلر تركىبىدە ايشلەتلىگن «انىسە و خالبازار» سۇزلىرى آت توركومىنى تشكىل بېرگنى و ايش-حركت آت توركومى نىڭ اۋزىدە قالگنى اوچون گىدە اېگە وظيفە سىدە كېلىتىرىلىپ باش كېلىشىك وظيفە سىنى افادەلەپ كېلماقدە.

شوندەى قىلىپ، باش كېلىشىكدە كېلگن سۇز باشقە كېلىشىكلرنى حاصل قىلىش اوچون دستلىكى شكل دېب قبول قىلىنەدى. تالقان شېۋە سىدىن اۋرنكلىرىنى قويدەگىچە اۋقىمىمىز:

بازردن مېوه -چېوه لرنى اويگه كېتىردىم .
چايدى دملب سوپه اوستيده اوتىرىب ايچتتىم
 (اېگمبېردى، 72:1398)

ايشله تىلگن بىرىنچى اۋرنىكده باش كېلىشىكده كېلگن سۆز چىقىش(بازردن)، توشوم (مېوه-چېوه لرنى)، جۈنەلىش(اويگه) و ايكىنچى مئالده اېسە توشوم (چايدى) و اۋرىن-پىت(سوپه اوستيده) كېلىشىكلرنى قبول اېتگنى اوچون باشلنغىچ شىكل بۇلىب كېلىشى بىلن اېگه معناسى «كېتىردىم و ايچتتىم» كېسىم وظيفەسىنى افادەلگن سۆزلردن انگلەشلىب توريبىدى.

قره تقيج كېلىشىگى

بو كېلىشك اېگه بىلن نرسە اۋرتەسىدەگى باغلىقلىكنى انگلتهدى يا كە قره تقيج و قره لميش آره سىدەگى مناسبت انه شو كېلىشىكده افادە-لنەدى (ايشانچ، 62:1393).

اۋزبېك ادبى تىلى بحثلرئده قره تقيج كېلىشىگى فقط بىرگىنە «+نېنگ» قۇشېمچەسى بىلن حاصل قىلىنەدى. اۋزبېك خلق لهجەلرئده، اينىقسە، تالقان شېوه سىدە تورلىچە قۇشېمچەلر آرقەلى قۇللىنىشىنى كۈرەمىز. جملەدن «تى»، «دى»، توشوم كېلىشىگى «نى»، و اېگەلىك قۇشېمچە-لرئدن بۇلمىش «ى» قۇشېمچەلرئ بىلن ايشله تىلىشى اوچرەب و اونېنگ فونىتىك كۈرىنىشلىرى بۇلگن «+دى»، «تى» كۈرستگىچلرئ هم قويدەگىچە ايشله تىلەدى:

(ملانبى، 43:1398)

اېشمىرادتى وېچكىلرئ كېلدى

(اوليا قول، 46:1398)

تاش مىراد بېكتى حويليسى كۇپ كتتە

بو كېلىشىك «+نېنگ» شىكلى بىلن ايشله تىلسە، يوقارىدەگى جملە-لردە اېسە «تى» شىكلى اساسىدە اېگه بىلن نرسە اۋرتەسىدەگى باغلىنىش ادبى تىل قاعدەلرئ كىبى شېوه دە هم كۈرىنىب توريبىدى.

يىقىن اۋتگن زمان فعلى نېنگ قۇشېمچەسى بۇلگن «+دى» كۈرستگىچى قره تقيج كېلىشىگى بېلگىسى اۋرنئدە ايشله تىلىشى سېزىلرئپكن، اۋرنكلر قويدەگىچە تقاسلەيمىز:

محموددى كىتابلرنى آلىب كېل !

اكمدى كىتابىنى بېرىنگ !

(حاجى تاشى، 48:1398)

بېغمبىر قولدى اويگە بارەيدىك

يوقارىدەگى كېلتىرىلگن جملەلردە «+دى» شىكلى قره تقيج كېلىشىگى «+نېنگ» اۋرنئدە ايشله تىلىب اۋزى نېنگ طبعئتئدەگى گراممى معناسىنى شېوهلىك شىكلى اساسىدە افادەلنىشى ايشله تىلماقده.

تالقان سۆزلشوو تىلىدە توشوم كېلىشىگى «+نى» بېلگىسى قره تقيج كېلىشىگى بېلگىسى اۋرنئدە ايشله تىلىشى انىق. اۋرنكلرئ قويدەگىچە:

اېلمىراد اكەنى اۋچىكىلرئ .

حاجى تاشىنى اوكەسى كۇپ آخماق .

جمعه خاننى قۇزىلرئدن بىرتە ساتمەبسىز چۇبان اكە؟
 (رابعه، 65:1398)

گپ تركىبئدە توشوم كېلىشىگى «+نى» قوشېمچەسى آت بىلن فعلىنى بىر-بىرىگە باغلىدىگن بۇلسە، تالقان شېوه سىدە اېسە قره تقيج كېلىشىگى بېلگىسى اۋرنئدە ايشله تىلىب آت بىلن نرسە اۋرتەسىدەگى باغلىقلىكنى افادەلش اوچون قۇللىنىلېب كېلماقده. البته كە، بو باغلىنىش ادبى تىل قاعدەلرئگە ماس كېلەدى.

اۋچىنچى شىخىس بىرلىك، اېگەلىك بېلگىسى بۇلگن «+ى» قرەتقىچ كېلىشىگى كۇرستگىچى اۋرنىدە قۇللىنىلىشى ھم سېزىلراپمىش، بوھقدە تالقان شېۋەسىدن قويدەگى اۋرنكلرنى كۇزدن كېچىرەمىز:

مېنى تياغىمنى آكى اوكه !

قمچى باى اكه **مېنى** آتىمنى آلىب كېل،

اكه بو **سېنى** جېرىنگ اېمسە (حاجى ابراهيم، 50:1398)

اېگەلىك معناسىنى افادەلىدىگن «+ى» اۋچىنچى شىخىس بىرلىك شىكلى قرەتقىچ كېلىشىگى «+نىنگ» قۇشىمچەسى اۋرنىدە ايشلەتلىشى آت بىلن نرسەنى بىر-بىرىگە باغلب كېلگن. البتە بو باغلىنىش تالقان شېۋەسىدە-گى خاص خصوصىتلىرىدن بىرى سەنەلىب، ادبى تىل گراممىگە ماس حالده باغلىنگن دېمك دىر.

شوندەى قىلىپ، قرەتقىچ كېلىشىگىدەگى كېلگن آتلىر بېلگىلى و بېلگىسىز حالده قۇللىنىلىشى ھم اوچرەيدى.

توشوم كېلىشىگى

حركتنى آنگە تمان يۇنەلىشىنى افادەلب، آت بىلن فعلىنى بىر-بىرگە باغلبەيدى. يعنى فعلىنىنگ بىرار يېردە بجرىلگىنىنى انگلتە-دى (ايشانچ، 160:1398).

توشوم كېلىشىگى حاضرىگى اۋزبېك ادبى تىلى سىنگرى بىرتەگىنە «+نى» قۇشىمچەسى آرقەلى اۋزىنىنگ گراممى وظيفەسىنى بجرەدى. لېكن، تالقان شېۋەسىدە اېسە بو كېلىشىكنىنگ گراممى بېلگىسى تورلى شىكلردە اۋزىدەگى اساسى وظيفەنى بجرىشىگە خدمت قىلىپ كېلماقده. بو كېلىشىك شىكللىرى اىرىم اۋرىنلردە اۋز حالچە قۇللىنگن بۇلسە-دە، بعضى پىتلردە فونىتىك تفاوتلىرى بىلن قۇللىنە بارەدى. اۋرنكلرىنى قويدەگىچە كۇزدن كېچىرەمىز:

سوو اېكېلەتكىن **پىپتى** اېكېل!

سوتتى ساوويب كېلەيىن،

(اكرم باى، 55:1398)

قۇشتى ايدە وۇر او بچە !

يوقارىدەگى كېلتىرىلگن گېلرنىنگ تركىبىدە ايشلەتلىگن توشوم كېلىشىگىنىنگ شېۋەلىك «+تى» شىكلى آت بىلن فعلىنى بىر-بىرىگە باغلب تورگن بۇلسە-دە، بو كېلىشىكنىنگ بېلگىسىدە فونىتىك تفاوتى كۇرىنسە ھم، گراممى وظيفەسىدە قىسى فرق كۇرىنمىسلىگى بىلن اۋز وظيفەسىنى اۋتب تورىبىدى.

يقىن اۋتگن زمان فعلىنىنگ قۇشىمچەسى بۇلگن «+دى» كۇرستگىچى توشوم كېلىشىگى اۋرنىدە ايشلەتلىشىنى سېزىش ممكىن. اۋرنكلر قويدە-گىچە:

وچكىلردى آدىردن قچن ايدەب كېلەسنگ دلاور؟

كۇگندى كېلتىر وچكىلردى بىلەيك.

(طالب شاه، 40:1398)

قاوونلردى قنچەدن بېرەسىز اكه؟

توشوم، قرەتقىچ كېلىشىگىگە اۋخشب يقىن اۋتگن زمان بېلگىسى بۇلمىش «+دى» شىكلى آرقەلى ھم تالقان شېۋەسىدە قۇللىنىشى عمومى بۇلىپ، گراممى معنا افادەلشيدە قىسى فرق سېزىلمى، بلكە اۋز معناسىدە شېۋەلىك شىكلى آت بىلن فعلىنى اۋز ارا باغلب تورىبىدى.

توشوم كېلىشىگى قۇشىمچەسى اۋزبېك ادبى تىلى قاعده لىرىگە اۋخشب اۋز حالچە هم قۇللىنىلىشى اېشىتىلەدى. اۋرنكلرنى قويدەگىچە اۋقىيمىز:

كرىمە خالە تسبىحنى بېرىنگ!

حمىدە خالەنى ايتىنگ!

گلچهرەنى آلىب كېل حمىدە ! (كرامت الله، 1398:39)

يوقارىدەگى اۋرنكلردە ايشلەتىلگن توشوم كېلىشىگى بېلگىسى ادبى تىل قاعدهسى سىنگرى قۇللىنىشى اوچرەسە، گرامرى معنا افادەلشە قىسى تفاوت سېزىلمىدى.

جۈنەلىش كېلىشىگى

وقت، سبب و اۋرىن معنالىرىنى افادەلب، حركت جۈنەلگن نطقەنى بىلدىرەدى (ايشانچ، 1393:160). حاضرگى اۋزبېك ادبى تىلىنىنگ گرامرى ورىنتلرىدە جۈنەلىش كېلىشىگى «+گه» بۇلسە-دە، «+كه، +قه، +غه» شكلى بىلن اۋزىنىنگ اۋشە گرامرى معنالىرى تامينلش مناسبتى اوچون خدمت قىلىپ كېلماقده؛ بو وظيفەنى اۋزبېك ادبى تىلى شېوهرىدە، اينىقسە، اۋزبېك تىلى تالقان شېوهرىدە هم اۋشندەى وظيفە بجرىشى كۈرىنەدى. اۋرنكلرنى قويدەگىچە اۋقىيمىز:

مېن اېرتە باغكه بارەمن، سېن بوگىن اوىگه كې،

قاووندى باشىگه قچن كۈچەسىز؟

بو گېنى حل قىلىشگە مېن -سېن حركت قىمەسك بۇمىدى (شاهزاده ماه، 1398:70)

يوقارىدەگى اۋرنكلردە قۇللىنىلگن «+گه» شكلى ادبى تىلنىنگ گرامرى معيارلىرى كېى افادەلنىشى اوچرەيدى.

جۈنەلىش كېلىشىگى «+كه» قۇشىمچەسى بىلن هم قۇللىنىلەدى، بو البتە كه معلوم قاعده اساسىدە ايشلەتيلەدى (آلتاى، 1387:27).

اۋرنكلرنى قويدەگىدېك اۋقىيمىز:

سرکكه نىمە گپ بار يىكن زرغونە؟

بوغدهنى كوره ككه شاپىرىنگ!

گېنىگىز جيره ككه براور گپ يىكن (صاحب نظر، 1398:48)

اۋزبېك تىلى تۇغرى يازىشىگە كۈرە، اگر سۇز «ك» تاووشى بىلن توگەگن بۇلسە، بو كېلىشىكىنىنگ گرامرى كۇرستگىچى «+كه» شكلى بىلن افادەلنىشى ممكن. بو قاعده تالقان شېوهرىدە هم خودى اۋشندەىگىنە ايشلەتيلماقده.

اۋزبېك ادبى تىلى تۇغرى يازىشىگە بناء، اگر سۇز «ق» تاووشى بىلن توگەگن بۇلسە، جۈنەلىش كېلىشىگى قۇشىمچەسىنىنگ «+قه» شكلىنى قۇللىش تۇغرى كېلەدىگن فكر بار (آلتاى، 1387:27). بو قاعده اۋزبېك تىلىنىنگ تالقان شېوهرىدە قۇللىنىلىشىنى كېنگ صورتدە سېزىپ، اۋرنكلرنى قويدەگىچە اۋقىيمىز:

سايئقە نىمە گپ بار دىر؟

ووچقە وتىن سالىنگ جانسىن!

تغى مرد بووه اريققە توشىب كېتتى (سید ابرار، 1398:50)

كېلتىرىلگن اۋرنكلر ادبى تىلنىنگ تۇغرى يازىش كۇرستمە لىرىگە ماس حالده ايشلەتيلگن. تالقان شېوهرىدەگى بو قۇللىنىش هم جۈنەلىش كېلىشىگىنىنگ گرامرى معيارلىرىگە قىرىشلىك اېتمىدى.

اۋزبېك تىلى كېلىشىگىنىڭ گراممى كۇرستىگىچىلىرىگە قىرەگندە ، تالقان شېۋەسىدە ايتىلگن شكىلردن يەنە بىر شېۋەلىك «+غە» بېلگى-سىنىڭ ايشلەتېلىشى اوچرەشىنى قويدەگىچە اۋقىيمىز:

شمالدى رىخىغە قىرەتېب بوغده يىنى شاپىر!

شېبىركىنى سووغە اۋل قىپ شىپىر!

حولىغە بارسىڭىز جوزىم آپ كېنىڭ (بايمىراد، 60:1398)

اېسكى اۋزبېك تىلىنىڭ گراممى خصوصىتلىرىدىن بىرى بۇلمىش «+غە» شكىلى تالقان شېۋەسىدە سېزىلسە-دە، اۋشندە يىگىنە ادبى تىل معيارلىرى ياق ايشلەتېلىپ تورگن.

اۋزبېك تىلى شېۋەلىرىدە، قالەبېرسە، تالقان شېۋەسىدە و خلق آغزەكى نطقىدە جۇنەلىش كېلىشىگى قۇشىمچەسى كۇپىنچە اۋرىنلردە اۋرىن-پىت كېلىشىگى قۇشىمچەسى اۋرىندە ايشلەتېلىشى عمومىدىر. بو ادعانى قويدەگى اۋرىنكلردە اۋقىيمىز:

بايمىراد اكە قەرگە سىز كۇرىنمەيسىز؟

اويگە من خىرتە خىبىر اكە؟

كېگە اۋلتىرىپىن، قاوون جېسىڭىز كېنىڭ! (اكرم باى، 55:1398)

تالقان شېۋەسىدە كېلىشىكىنىڭ قۇللىنىش خصوصىتلىرىدىن بىرى جۇنە-لىش بېلگىسى اۋرىن-پىت كېلىشىگى قۇشىمچەسىنىڭ اۋرىندە ايشلەتېلىشى انچە كېنىڭ. البتە جملەدە «+گە» ايشلەتېلگن بۇلسە-هم، اۋرىن معناسى افادەلب تورەدى.

جۇنەلىش كېلىشىگى اۋزبېك تىلى تالقان شېۋەسىدە ايرىم اۋرىنلردە بېلگىسىز قۇللىنىش حالتى سېزىلىپ تورەدى. بو حالت البتە كە درى تىلىدە قوللىنىلىشى اوچون تالقان سۇزلىشوو تىلىدە تاۋىر قۇيگن. اۋزبېك تىلى گراممىدە بو نقە خصوصىت يۇقلىگى انىق. قويدەگى اۋرىنكلر ادعامىز دىلىدىر:

قە بارەسنگ

(نصرالله، 45:1398)

ووى باردىنگمە

بو كېلىشىكىنىڭ خصوصىتلىرىدىن يەنە بىرى شو كە، سۇزلىشوو آقىمىدە «+گە» قۇشىمچەسى توشىپ قالىش دىر. بوندەى حالت جۇنەلىش كېلىشىگى-نىڭ گراممى معنا افادەلىشىدە قىسى كىچىلىك سېزىلمىدى. بلكە، قىسقرگن حالده ايشلەتېلىشى عمومى بۇلىپ قالىبىدى.

اۋرىن-پىت كېلىشىگى

بو كېلىشىك نىڭ حاضرگى اۋزبېك تىلشناسلىك ادبىياتلىرىدە «+دە» بېلگىسى بىلن ايشلەتېلىشىنى قىد قىلىنىشىگە كۇرە، اۋرىن-پىت كېلىشىگىدە ايش-حركت بىر مكاندە بجرىلىشى دىر (ايشانچ، 161:1393). عىن وظىفەنى اۋزبېك تىلى شېۋەلىرىدە، اينىقسە، تالقان شېۋەسىدە «+تە» شكىلى فونىتىك تفاوتلىرى اساسىدە و ايرىم اۋرىنلردە هم جۇنە-لىش كېلىشىگى «+گە» قۇشىمچەسى بىلن قۇللىنىشى و اېشىتېلىشىنى اۋشە پىتدە بو كېلىشىك كۇرستگىچى اۋزبېك ادبى تىلى سىنگرى اۋز اۋرىندە ايشلەتېلىش، اۋرىنكلرنى قويدەگىچە بكون يسەلگن :

دشتە ووروو سىز غلە -دانه قالدېمە دهقان اكە؟

اېشىكتە قىسى گب بار

(خىرالنسا، 50:1398)

حاجى

(خلق مقالى تالقان)

عقل جشته اېمس، عقل باشته

عيسى، 75:1398

يوقارىدەگى اۋرنىكلرنىڭ تىركىبىدەگى ايشلەتلىگن «+تە» بېلگىسى بىلەن ايش-حرىكت اۋرىن-معناسىدە بىرىلگىنىنى بىلىدىرىپ تورماق دە .

تالقان سۆزلىشۈ شېۋەسىدە جۈنەلىش كېلىشىگى «+گە» بېلگىسى اىرىم سۆزلىشۈ جىرئانىدە اۋرىن-پىت كېلىشىگى «+دە» اۋرنىدە قۇللىنىشى اېشىتىلەدى . قوئىدەگى اۋرنىكلەرگە دقت قىلىنگ:

چالگە من اكه قىسى خىزمت بۇسە!

اوىگە اۋلتىرىپ من نىمە گب بۇلدى؟ (تاج النسا، 1398:55)

گېتى **اوىگە** اۋلتىرگن قىزدن، دشتتە جىرگن چۇپاندن سۇرەنگ (خلىق مقالى)

(محمىد يوسف، 1398:68)

جۈنەلىش كېلىشىگى قۇشىمچەسى اۋرىن-پىت كېلىشىگى اۋرنىدە قۇللىنىشى تالقان شېۋەسىدە كېنگ صورتدە ايشلەتلىدەدى . جملەلرنىڭ اىبتە بوندەى بىرىكىشى گرامرى جھتدن معناگە قىسى تفاوت سېزىلمىدى . بلكە، كېلتىرىلگن اۋرنىكلردە ايش-حرىكت انىق اۋرىندە بىرىلگىنى و بىرىلمەگىنى افادەلنگن .

چىقىش كېلىشىگى

اۋزبېك تىلى گرامرىدە چىقىش كېلىشىگى «+دن» كۇرستگىچى بىلەن ايش-حرىكت نىنگ باشلىنىشى، سببى، قىياسى، منبەى، اۋرنىنى بىلىدىرىپ چىقىشگە جۈنەلتىرىلگىنىنى افادەلب و بىرىلىشىدە اۋزىنىڭ اساسى وظيفەسىنى اۋتەيدى (ايشانچ، 1392:161) . بو كېلىشىكنىڭ گرامرى شكىلدىن قىطع نظر، تالقان شېۋەسىدە و خلىق سۆزلىشۈ تىلىدە «+تن، +گن، +دىن» بېلگىلىرى بىلەن قۇللىنىلىشى اوچرەيدى . قوئىدەگى اۋرنىكلر ادعامىزنىڭ دىلىدىر:

اېلمرادتن قىسى گبىنى سۇرەدىنگ؟

رابعە آپە **اېشىكتن** جىغىلدى

دشتتن غلە - دانەنى يىغىپ كېلدىنگىزمە؟ (نصرالله، 1398:45)

اگر چند، تالقان شېۋەسىدە چىقىش كېلىشىگى «+تن» شكىلى بىلەن قۇللىنىلسە-دە، بو گرامرى معنا انگلەتىشده قىسى ىنگلىشلىك سېزىلمىدى . بلكە، ايشلتەدىگن اهالى اۋز ارا سۆزلىشۈلرىدە روان شكىلدە قۇللىدىلر .

تالقان شېۋەسىنىڭ اىرىم قرەباىى-تالقان و اوچىنچى ناحىه قىشلاغلىرىدە بو كېلىشىك كۇرستگىچى فعلنىڭ خاصلنگن تورلرىدن بۇلمىش صفتداش «+گن» قۇشىمچەسى چىقىش كېلىشىگى شكىلى اۋرنىدە قۇللىنىلىشى اوچرەيدى، اۋرنىكلر قوئىدەگىچە:

قىشلاقىن كېلەپىن (عبد الغبار، 1398:35)

بازارگن اوى باردىم (نجىب الله، 1398:30)

بھارگن پىادە كېلدىم (حسان، 1398:30)

يوقارىدەگى اۋرنىكلر تىركىبىدە ايشلەتلىگن صفتداش «+گن» بېلگىسى «+دن» چىقىش كېلىشىگى قۇشىمچەسى اۋرنىدە قۇللىنىشى، ايش-حرىكتنى بىر مكاندن بىرىلىپ چىقنىلىگىنىنى افادەلدى .

اېسكى اۋزبېك تىلىنىڭ گرامرى خصوصىتلىرىدن بىرى بۇلمىش؛ چىقىش كېلىشىگى كۇرستگىچى «+دىن» شكىلدە كۇرىنىشى تالقان شېۋەسىدە قۇللىنىلىشى سېزىلمىش . اۋرنىكلرنى قوئىدەگىچە اۋقىمىمىز:

بو كىشى مېنى **اېرتەدىن** اېرىتىپ **آلدى** (خالبازار، 1398:65)

يىلىكىدىن بېرىنگ **آلهيك**

اوج بازردىن بېرى **آلتەدى** مېنى (اېگمبېردى، 1398:72)

اۋزبېك تىلىنىڭ تارىخى خصوصىتلىرى نەتنها ادبى اثرلردە؛ بلكە اۋزبېك خلق شېۋەلىرىدە، اينىقسە تالقان شېۋەسىنىڭ كېلىشىكلرىدە هم قۇللىنىشى آرقەلى گراممى معنا انگلەتىشە قىسى يىنگلىش سېزىلمىدى.

واسطە كېلىشىگى

فعلنىڭ نىمە و قىسى واسطە آرقەلى توزەلگىنى كۇرستىش اوچون آتنى آلگن كېلىشىگىدېر. بو كېلىشىك اۋزبېك-تورکچەسى گراممىدە «+بىلن» شكىلى آرقەلى اۋز افادەسىنى تاپەدى (چوشكون، 2017: 87).

بو كېلىشىك تالقان شېۋەسىدە اېسە «+بىرلن، +بىلم، +بىرگەسى و بىلە» قۇشۇمچەلىرى بىلن ايشلەتېلسە-دە، آتنى آت و فعل بىلن و ايرىم سۇزلىشۇلرىدە آلماشنى فعل بىلن هم بىر-بىرلىگە باغلىدى. اۋرنكلر قۇيىدەگىچە يكون يسەلەدى.

آتنى آت بىلن باغلىنىشى:

زرغونە **بىرلن** اويگە كى

زبىدە **بىلم** مکتب با

قاوون **بىرگەسى** نان جى (عبد الغبار، 1398: 35)

يوقارىدەگى ايشلەتېلگن اۋرنكلرنى كۇزدن كېچىرگندە (زرغونە، زبىدە و قاوون اتاقلى آتلىر) (اوى، مکتب و نان تورداش آتلىر) «+بىرلن، +بىلم، +بىرگەسى» شكىللىرى بىلن باغلىنىشى كۇرىنەدى. البتە، بو باغلىنىش شېۋەدە اېمس بلكە ادبى تىلدە هم اوچرەيدى.

آتنىڭ فعل باغلىنىشى:

نان **بىلم** جى

سوو **بىلە** جوت

قاتىق **بىرلن** قۇش (محمد يوسف، 1398: 68)

يوقارىدەگى كېلتىرىلگن جملەلردە «نان، سوو و قاتىق آتلىر جى، جوت و قۇش فعللىرى» «+بىلم، +بىلە و +بىرلن» بېلگىلىرى اساسىدە بىرىكىپ و باغلىنىپ كېلگن.

بو كېلىشىك آلماش بىلن فعل اۋرتەسىدە باغلاوچى بۇلىپ كېلگندە، تالقان شېۋەسىدە آلماشدن سۇنگ توشوم كېلىشىگى «+نى» شكىلى و «+بىرگە» و اېگەلىك بىلدىرووچى «+سى» قۇشۇمچەسىنى آلەدى. اۋرنكلرنى قۇيىدەگىچە اۇقىيمىز:

اوونى **بىرگەسى** كېل

شىنى **بىرگەسى** اۋقى (بايمراد، 1398: 60)

بو جملەلرنىڭ تركىبىدە ايشلەتېلگن «+بىرگەسى» قۇشۇمچەسىدن آلدن «+نى» توشوم كېلىشىگى ايشلەتېلىپ جملە تركىبىدە واسطە كېلىشىگى آلماش بىلن فعل اۋرتەسىدەگى باغلاوچى وظيفەسىدە قۇللىنىلگن.

چىگرەلش كېلىشىگى

بو كېلىشىك بېلگىلىرى «+كچە+كچە+قچە» بېلگىلىرى دېر. «+كچە و +قچە» بېلگىلىرىدن آلدن سۇز «ك و ق» تاووشلىرى بىلن توگەن بۇلسە، «+كچە و +قچە» شكىللىرى سۇز اۋزەكلرىگە قۇشۇلىپ ايشلەتېلە-

دى (چوشكون، 2017: 87). تالقان شېۋەسىدە اېسە بو كېلىشىكىنىڭ قۇللىنىلىشى كېنگىيىدە صورتدە اوچرەيدى. اۋرنىكلرنى قويدەگىچە اۋقىمىمىز: **تيرىسكچە شومرىپ اۋلتيرىپتى قۇلىنى.**

سايىنقىچە كېلىدىلر آتملر. (رابعه، 1398: 65)

ايشلەتيلگن جملەلردە «+كچە و+قچە» شىكللر آت بيلن فعلنى بىر-بىرىگە باغلب تورگنى انىق.

تالقان شېۋەسىدە ايرىم پىتلردە يوقارىدەگى قاعدەگە ماس كېلمە-يىدىگن حاللرى هم كۇپ ايشلەتيلەدى. اۋرنىكلر قويدەگىچە يىكون يىسلە-دى:

بازرگچە بارىب كېلىدىم

تيرمانگچە بارەى قنە (حاجى تاشى، 1398: 48)

يوقارىدە ايشلەتيلگن جملەلردەگى (بازر و تيرمان) سۇزلرىنىڭ ھىچ بىرى «ك و ق» تاووشلرى بىلن توگمەگن؛ شو اوچون بونقە خصوصىت تالقان شېۋەسىدە كۇپ قۇللىنىلەدى.

توشورىم

اۋزبېك تىلى تالقان شېۋەسىدە اۋزبېك ادبى تىلىنىڭ صرفى پرديمىتلردن بۇلمىش كېلىشىكى مقولەسىنىڭ گراممى بېلىگىلرىنى تېكىشىرىلگن منطقه دە قويدەگىچە شېۋەلىك شىكللر آرقەلى قۇللىنىلراپكن:

1. باش كېلىشىكى ادبى تىل معيارلرىگە اۋخشش حالده ايشلە-تىلماقده.

2. قرەتقىچ و توشوم كېلىشىكلرى «+نىڭ و+نى» كۇرستگىچلرى اۋرنىدە «+تى، +نى»، يقىن اۋتگن زمان «+دى» و اوچىنچى شىخس بىرلىك اېگەلىك بېلىگىلرىدن بۇلمىش «+ى» قۇشىمچەلرى بىلن ايشلەتيلىشى عمومىلىككە اېگە.

3. اېسكى اۋزبېك تىلىنىڭ گراممى خصوصىتلرىدن بىرى بۇلمىش جۇنەلىش كېلىشىكى «+گە» اۋرنىدە «+غە» ايشلە-تىلىشى انىقدىر.

4. اۋرىن-پىت كېلىشىكى «+دە» اۋرنىدە جۇنەلىش بېلىگىسى «+گە» بىلن قۇللىنىلەدى.

5. چىقىش كېلىشىكى اۋز حالىچە ايشلەتيلىشدىن باشقە «+تن» بدىعى ادبىيات ساحەسىدە ايشلەتيلەدىگن «+دىن» و فعل-نىڭ خاسلىگن شىكللرىدن بۇلمىش صفتداس «+گن» بېلىگىلرى بىلن قۇللىنىلىشى سېزىلراپكن.

6. چېگرەلش كېلىشىكى هم اۋزبېك توركچەسى گراممى قاعدەلرىگە ماس و ايرىم پىتلردە گراممى يوسونلردن فرقلى حاللردە تالقان شېۋەسىدە ايشلەتيلىشى عمومىدىر.

7. واسطە كېلىشىكى «+بىلن» اۋرنىدە «+بىلە، +بىرلن، +بىرگەسى و+بىلم» شىكللرى بىلن آتنى آت، آتنى فعل و آلماشنى فعل بىلن بىر-بىرىگە باغلب تورىش حالتلر كۇپ سېزىلراپكن.

8. چېگرەلش كېلىشىكى اۋزىنىڭ گراممى قاعدەلرى سىنگرى و هم باشقچە راق حالتلرى عمومى شىكلدە اوچراپكن.

قىناق كىتابلار

- آلتاي، نورالله. (1386). *اۋزبېك تىلى سۆزلىگى*. مالزىا: ثقافت انتشاراتى.
- ايشانچ. (1393). *اۋزبېك تىلى گراممىرى*. كابل: خراسان مطبعهسى.
- چوشكون، مصطفى ولکان. (2017). *اۋزبېك تورکچەسى گراممىرى*. انقره: تورک تىلى قورومى انتشاراتى.
- شاه عبدالرحمانوف، III. (1981). *تيل شنالىککه کيريش*. تاشکېنت: دولت مطبعهسى.
- طالقانى، نورالله. (1389). *تخاريها*. كابل: سعيد انتشاراتى.

قىناق كىشىلەر

- اکرم باي. (55). تالقان شېۋە، اوچىنچى ناحیه یشاۋچىسى.
- اوليا قول. (46). تالقان شېۋە، تۇرتىنچى ناحیه یشاۋچىسى.
- بايمراد. (60). بۆلک اۋرتەبىز، چۆببر قىشلاغى یشاۋچىسى.
- تاج النسا. (55). تالقان شېۋە، بىرىنچى ناحیه یشاۋچىسى.
- حسان. (30). تالقان شېۋە، اوچىنچى ناحیه یشاۋچىسى.
- حاجى عيسى. (75). تالقان شېۋە، بىرىنچى ناحیه یشاۋچىسى.
- حاجى امان الله. (65). تالقان شېۋە، ايگىنچى ناحیه یشاۋچىسى.
- حاجى ابراهيم. (50). تالقان شېۋە، ايگىنچى ناحیه یشاۋچىسى.
- حاجى تاشى. (48). تالقان شېۋە، بىرىنچى ناحیه یشاۋچىسى.
- حبيب الله. (45). تالقان شېۋە، بىرىنچى ناحیه یشاۋچىسى.
- خالبازار. (65). تالقان شېۋە، اوچىنچى ناحیه یشاۋچىسى.
- خىرالنسا. (50). تالقان شېۋە، بىرىنچى ناحیه یشاۋچىسى.
- داملا ظاهر. (47). تالقان شېۋە، تۇرتىنچى ناحیه یشاۋچىسى.
- داملا عبدالاول. (50). تالقان شېۋە، تۇرتىنچى ناحیه یشاۋچىسى.
- رابعه. (65). تالقان شېۋە، اوچىنچى ناحیه یشاۋچىسى.
- سید ابرار. (50). تالقان شېۋە، اوچىنچى ناحیه یشاۋچىسى.
- شاهزاده ماه. (70). تالقان شېۋە، ايگىنچى ناحیه یشاۋچىسى.
- شير محمد. (42). تالقان شېۋە، تۇرتىنچى ناحیه یشاۋچىسى.
- صاحب نظر. (48). تالقان شېۋە، اوچىنچى ناحیه یشاۋچىسى.
- طالب شاه. (40). تالقان شېۋە، ايگىنچى ناحیه یشاۋچىسى.
- عبد الغفار. (35). تالقان شېۋە، اوچىنچى ناحیه یشاۋچىسى.
- عبدالقيوم. (48). تالقان شېۋە، بىرىنچى ناحیه یشاۋچىسى.
- عبد الحميد. (50). تالقان شېۋە، اوچىنچى ناحیه یشاۋچىسى.
- عبدالبشير. (33). تالقان شېۋە، بىرىنچى ناحیه یشاۋچىسى.
- كرامت الله. (39). تالقان شېۋە، تۇرتىنچى ناحیه یشاۋچىسى.
- محمد يوسف. (68). تالقان شېۋە، اوچىنچى ناحیه یشاۋچىسى.
- محمود. (45). تالقان شېۋە، اوچىنچى ناحیه یشاۋچىسى.

- ملانبى. (43). تالقان شھرى، تۇرتىنچى ناحىە ىشاوچىسى.
- نور محمد. (40). تالقان شھرى، تۇرتىنچى ناحىە ىشاوچىسى.
- نصرالله. (45). تالقان شھرى، اىككىنچى ناحىە ىشاوچىسى.
- نجيب الله. (30). تالقان شھرى، اىككىنچى ناحىە ىشاوچىسى.
- نجيبه. (35). تالقان شھرى، اىككىنچى ناحىە ىشاوچىسى.
- ابگمبېردى. (72). تالقان شھرى، اىككىنچى ناحىە ىشاوچىسى.